

第21
46(3)-3
2.

五

時方妙用下



時方妙用卷三

劉吳航陳念祖修圍甫著

血症

吐血

咳血

咯血

鼻衄

齒衄

血淋

血崩

經曰中焦受氣取汁變化而赤是謂血。血之流溢半隨衝任而行。於經絡半散於脉外而充肌腠皮毛。若外有所感內有所傷則血不循經從上而湧則爲吐血咳血咯血鼻衄齒衄舌衄從下而走則爲大便血溺血婦人血崩其源則一。或問諸書皆分別五臟六腑之血而施治茲何以儻統言之。余曰五臟有血六腑無血。觀剖諸獸腹心下夾脊包絡中多血肝內多血心脾肺腎中各有血六

男

元豹道虎古愚
元犀道照靈石

全校學



中醫藥大學圖書館版權所有

腑無血。近時以吐血多者。謂吐胃血。皆耳。食前醫之誤。凡吐五臟血。必死。若吐衄崩下。皆是經絡散行之血也。或問既無分別。何全匱以瀉心湯。治心氣不足。爲吐衄乎。曰。百病不離於五臟。六腑。臟腑病。以致血不循經。而爲吐衄崩下。非吐衄崩下之血。從臟腑中脫出也。循經之經字。作常字解。曠醫誤解。謂歸脾湯引血歸脾。能統血。卽是歸經。害人無算。余再爲之喝醒。一語曰。隨者。仍其隨之。常行者。仍其行之。常散者。仍其散之。常充者。仍其充之。常血循經常之道路。則無吐衄崩下之病矣。千古無一人談及。余於高士宗引而不發處。細繹斯論。大爲快事。

身熱脈大者難治。○身涼脈靜者易治。○若喘咳急而上氣逆。

脈見弦緊細數有熱不得卧者死。

一外感吐血先見頭痛惡寒發熱等症必取微汗則愈宜

香蘇飲加荆芥穗一錢丹皮白芍各一錢五分。

三十

一夏令秋令感暑氣燥氣而吐血方治見咳嗽悶不贅

一內經云不遠熱則熱至血溢血泄之病生矣凡人不避暑熱及

過食博炙之物以致血熱妄行宜

四生丸

一瘀血而止必先胸痛血色必紫或黑而成塊脈必滯澹宜

四物湯加醋炒大黃桃仁丹皮香附各一錢五分。如紫血盡

鮮血見即用六君子湯加當歸調之。

九出高鼓峯心法



一傷寒及溫病應發汗而不汗之內熱蓄血及鼻衄吐血不盡內

餘瘀血大便黑面黃宜

犀角地黄湯

九十

一高鼓峯心法於血症獨精其云除瘀血與傷寒外其餘俱屬七

情饑飽勞力等因必見惡心

驗症分明

一味固元湯主之方用人參

炙芪歸身甘草煨薑大棗白芍水煎服血症最繁以一方統治

胡念齋深服之○胡念齋云補藥可用溫藥亦須急加附桂炮

薑隨宜

楊齋直指謂陽虛陰必走大吐大衄外有寒冷之狀可用理中

湯加南木香或甘草乾薑湯其效更著又有飲食傷胃胃虛不



能傳化其氣上逆亦能吐衄亦宜上三方。余用甘草乾薑湯其乾薑炮黑加五味子二錢甚效。從慎齋五書得來。

內經云血氣者喜溫而惡寒寒則泣而不流溫則消而去之此數語爲治血之要旨所以楊仁齋高鼓峯方法神驗卽張景岳用熟地一兩澤瀉附子牛膝各一錢五分肉桂一錢炙甘草一錢水煎服名爲鎮陰煎方雖駁雜而溫藥較多亦能奏效。

一者氏遺書云血雖陰類運之者其陽和平陽和二字指心肺而言也心肺之陽宣布如日月一出燭火無光凡諸脉邪熱之氣俱除血無所擾則循行常道矣運之者三字更妙血不自運必藉氣以運之旣已運矣則隨衝任而行於經絡散於脉外充於

皮毛有經常之道可行何至妄行而爲失血之症耶諸家俱贊此二句之妙絕未能發明其旨甚矣醫道之難也高鼓峯雖未能悟到此旨而固元湯與之暗合慎柔和尙以保元陽爲主亦不過取黃芪補氣以生血而亦與此旨暗合合之則效速公所以名噪一時也余於此千慮一得不敢自秘

保元湯

七 慎柔方無肉桂有煨薑三片黑棗二枚

當歸補血湯

六

血症有不宜剛燥之劑者或血虛煩渴燥熱睡寤不寧五心煩熱宜

聖愈湯

八

一舌上出血如孔鑽者煎香薷汁服。外用槐花炒砂摻。蒲黃炭亦
可摻之。齒斷血出。用生竹茹四兩醋浸一宿含之。牙縫出
血以紙絛蘸乾蟾酥少許於出血處按之立止。滿口齒血出
枸杞子爲末煎湯漱之。然後吞下根亦可。鼻衄用生茅花或
根一兩煎服。

已上症或統用

甘露飲

八十
七十

滋腎丸

九十
四十

一血淋尿血用苧麻根十枚水煎服。又用海螵蛸乾地黃赤茯苓
各等分爲末每服三錢以柏葉車前子煎湯下。又用亂髮燒灰

大麝香少許。用米醋溫湯調下。如痛不可忍。以藕汁蘿蔔汁白
蜜調下。○又房勞傷。小便尿血。宜鹿角膠半兩。沒藥。另用油頭
髮繩各三錢。爲末。茅根汗打麵糊丸。桐子大。每服五十丸。鹽湯
下。

一下血。先便後血。爲遠血。用灶中黃土八錢。甘草。生地。白朮。熟附
子。阿膠。黃芩。各一錢五分。水煎服。名黃土湯。○下血先血後便
爲近血。宜赤小豆三兩。浸令出芽。晒當歸二兩。共爲末。以漿水
服一錢五分。日三服。名赤小豆當歸散。○一方俱出金匱。○
一大便下血不止。諸藥不效者。宜

濟生烏梅丸

六十



一皮膚血汗。宜郁李仁去皮研二錢。以鵝梨汁調下。又用人中白
焙乾。入麝香少許。溫酒調服。立效。又用六味地黃湯加五味
錢。麥門冬。川續斷各二錢。

一諸竅出血。頭髮敗棕。陳蓮蓬各等分。俱燒灰研。每服三錢。木
香湯下。

一婦人血崩。審其寒熱虛實。照已上諸方擇用。若脫血之頃。不省
人事。大汗不止者。宜參附湯。貧者以當歸補血湯加熟附子二

三錢。

一百零五

一大吐大衄大崩之頃。血若稍止。急用

獨參湯服。服後聽其熱。睡切勿驚醒。則陰血復生矣。



陽之毒則...

一大却大膽大...

蘇止...

三發...

人得大...

故入血...

春...

前...

趨...

欲...

與...



北京中医药大学图书馆

癲狂癰

癲者痴呆之狀。哭笑無時。語言無序。其人常靜。狂者罵詈不避親疎。其人常動。癲者忽然猝倒。無知口角流涎。手足抽掣。或作五音聲。數刻即愈。愈後即如平人。作止有間斷。所以名癰也。皆痰火為病。而癰病多由胎中受驚。一觸而發也。治宜調中補北。瀉東南。不必過求奇險。

脈實者吉。沉細者凶。

一前症屬於實痰實火者宜

滾痰丸。

六十

一肝火之為害。非泛常之藥所可療。時賢葉天士獨得其秘。急用

當歸蘆薈丸。每服三十丸。一日兩三服。不可遲疑敗事。九

前症屬虛者宜

磁砂丸。

二十丸。每服一丸。吞下。

二加龍骨湯加鉛丹。錢。或再加阿膠三錢。二十

此二方神妙。非可以思議及者。

前症既愈。即宜以和平之劑收功。宜

硃砂安神丸。

二十丸。每服一丸。吞下。



北京中医药大学图书馆藏书

消渴

白渴不止爲上消。治以人參白虎湯。食入卽饑爲中消。治以調胃承氣湯。飲一溲一爲下消。治以腎氣丸。趙養葵大變其法。謂治消無分上中下。先以治腎爲急。以六味丸料一斤。入肉桂一兩。五味子一兩。水煎六七碗。恣意冷飲之。熟睡而渴如失矣。白虎承氣皆非所宜也。

喻嘉言曰。腎者胃之關也。關門不開。則水無輪泄而爲腫滿。關門不閉。則水無底止而爲消渴。金匱腎氣丸。蒸動精水上承。君火而止其下入之。陽光彼症。取其開此症。取其關。一開一關。且通天手。眼子和。詆之何其陋也。又白茯苓丸治腎消。方用白茯苓覆盆子。

黃連括樓根革薢人參熟地黃元參各一兩石斛蛇床子各七錢
半。鷄脰脰三十具。微炒。共爲細末。煉蜜和搗。三五百杵。丸如梧子
大。每服三十丸。食前磁石湯送下。喻嘉言治驗。加犀角一兩。又以
六味丸加犀角收功。按此與六味地黃丸一陰一陽相爲表裏。
皆爲神方。

脈宜數大。忌虛小。

傷食

傷食病必有胸悶吞酸噯腐腹脹腹痛等症宜以平胃散如麥芽
穀芽山查神麴蘿蔔子消之或以所傷之物燒灰加入爲引導如
初傷時食尙在膈服此湯以手探吐如傷之已久腹滿拒按宜以
三一承氣湯下之愈後服香砂六君子湯加乾薑調養若無吞酸
噯腐等症但見頭痛惡寒發熱是外感症切不可誤用消導之品
致外邪陷入變症百出傷寒不禁食故桂枝湯啜粥是開章第一
讀仲景書自明西北之人一遇頭痛惡寒發熱之症便云有食卽
服神麴山查等藥往往誤事余爲活人計不得不大聲疾呼也
脈滑而實者時書以右關之上爲氣口謂氣口繁盛傷於食者

妄也。

張景岳云。偶病之人。多有非食而疑食者。曰某曰曾食某物。或某肉。某麪。其曰卽病。醫者不論虛實。但聞此言。且見胃口不開。必先治食。夫未病之人。誰有不食。豈必預爲停食。以待病至者。斯可信其無食乎。及其病也。則或因勞倦。或因風寒。或因七情。病發不測。而且無脹。無滯。與食何干。藥不對病。而妄行剝削。必反增病。此斯道之莫須有也。由此推之。則凡無據無證。而妄行胡猜者。皆其類也。良可慨矣。

黃履素

著折肱漫錄

云五穀皆養補脾氣之物。一煨成炭。反能消食者。

可。蓋火能軟堅。化物燼從火化故也。諸炭能消食。亦能傷脾功用。